

明誠堂詩集

明誠堂詩目錄

五言律

癸未

附七言古一篇

明誠堂初集諸友分賦陳宣子得雲盡

山無際川歸海未盈因用爲韻十章

焦徑
白髮
問物
倦鳥
碧血
孤棹
佳氣
瑤草
真想
案戶

同前韻有和陳宣公七言律十章又依
仄韻四章別梓

和戴伯闇
八章

里門
昔人
蛙鷗
皆隱
欄
交讓
彭顏
壯載

和林守一 四章

積雪 青雲 魯檜 吾鄉

和陳無技龍臥百株桑韻 五章

尺土 天民 忘我 無恙 逃名

和胡仁祖 六章

卜筮 天覺 鳥路 世道 日出
玄德

和商諧仲 四章

燕雀 翹館 道味 水鏡

和商玄劉 二章

鳴鳥 猶龍

和胡元居 二章

吾黨 庭前

和胡爾房 四章

如鳳 鄒魯 微言 風雷

和張章垣 二章

標名 明淡
有和諸子七言律凡十二章別梓

曾未祁書至復存焚草

十章

退筆

翻羹

當年

鼻頭

損益

爲貧

吠惟

波濤

工巧

文章

寄曹遠思司理

四章

雲霓

自我

胡馬

清達

答友勸駕

二章

晴天

平晚

答彥升臥子有僕諸友

八章

陽路

十月

生世

方盡

遠瑗

勞生

休糧

明緣

臘日再寄彥升臥子 四章

餘生 練要 捐軀 小園

和陳宣子安石柰蒼生何韻 六章

飛鳴 歸歟 刀盤 若華 津梁
寤夢

附偶作示諸同人 七言古

東郭一篇

凡一十七篇八十二章

明誠堂詩集

一卷
癸未

漳海

黃石齋著

榕壇門人

較

五言律

明誠堂初集諸友分賦陳宣子得雲盡山

無際川歸海未盈因用爲韻遂成十章

樵徑憶鋤雲、平林記鹿羣、世緣難簡盡、道法此
勻分、出聽魚相沫、和陰鶴自聞、不知蔬水外、蘭
芷爲誰芬、

二

老當閱物盡、始覺小年真、鹽米伺前道、茶瓜餉
近隣、青燈中夜夢、明月舊園貧、忽忽廿餘載、空
稱侍從臣、

三

碧血灑空山、微名煙樹間、白頭粘骨月、丹荔失
容顏、石砌除花徑、風期掩竹關、誰能長遶膝、百
歲老斑斕、

四

佳氣幾時無、真形別上圖、黃精穿峽細、赤翅入
江腴、雲母將松子、崖鞭走竹雞、松私良足發、山
水未全愚、

五

真想天人際、無言桃李蹊、溪沈慙影涉、博與謝
僮奚、道轉衡陽雁、心驚北塞氐、猶愁風雨夜、盍
旦溷鷄啼、

六

白髮綰逝川、青雲失舊妍、龍蛇常蜚臥、鶯鶯喜
行眠、頗悟易無諍、聊云詩有權、欲將淡冷意、播
與熱中蟬、

七

倦鳥適游歸、勞人欲掩扉、交因親易合、靜與簡
相依、不恥無聞傳、猶愁未遜肥、劒頭書老易、艸
艸動斜暉、

八

孤棹凌人海、餘年愜小齋、鹿車移磻水、鏡鼓遶
丹崖、自我成無學、知君寡所偕、偶題玄散論、頗
中白雲懷、

九

瑤艸堪糴米、空山信采薇、路經人過少、書并鬼
啼稀、北闕虹垂玉、南巖豹解威、下層賓客外、別
有坐魚磯、

十

案戶此盈盈、淨窗當百城、心微鐘磬合、道泰龍
蛇清、日月推先覺、義文畏後生、應開列缺路、更
向頂頭行、

又和戴伯闇

里門新卜築、仍是古鷄壇、開徑招松侶、傍籬製
籜冠、一泓私倒影、九畹共耘蘭、好友能相過、扶
筇慰蹒跚、

二

昔人尊石隱、近代喜高禪、不識多心義、但看無
累天、盡前龍馬篆、刪後蠹魚編、愧作千秋夢、枯
崖罨鐵船、

三

蛙鵬春不乏、鼓吹未開函、已覺名根盡、猶疑殿
氣隣、人寧鉤比曲、竹但青於藍、鹿豕相將處、南
山南又南、

四

白髮今皆隱、青衫舊日過、研池搜墨、輦瓜龍逗、
煙蘿去路、漢無極、歸人江有沱、清歌燈火夜、每
一問如何、

五

樞具久相笑、巾車老復逢、家僮稱姓字、客作悟
惇庸、細雨觀朝槿、靜心聽夜鍾、暮愁青竹杖、未
得作乖龍、

六

交讓君家木、連枝各禮臺、曾波魚脫釣、千歲鶴
初胎、退筆高南斗、落毛細九垓、微醺人散後、相
眎亦悠哉、

七

彭顏相較半、季孟我當安、獨立顏波易、藏身亂
世難、無名蕉葉好、有道緇袍寬、誰鑄黃金侶、相
將百世歡、

八

世載風塵事、銷君兩日書、明珠分寶掌、芝草動
龍眉、昔凝煙霞侶、今推農圃師、勿云信宿外、復
作北山移

和林守一

積雪當門少、春風入座寬、畫圖迷下澤、版築動
危壇、鳥破煙霞障、人開木石肝、姚江水水後、莫
復長疑團

二

廓爾青雲路、皎然明月襟、伐檀今不惡、禮樹古
誰禁、丹漆家人夢、鳳圖夫子心、勿云經岳外、別
自有崑岑、

三

魯檜豈云創、嶧桐亦此風、已教從濬靜、端不墜
虛空、遠客青山似、明河秋水通、可憐雙白鹿、兩
地白雲封、

四

吾鄉多古宿、尊酒共攀躋、訪道烹泉髓、問心長
月倪、禪奴歸紫筍、詩媵遣黃鸝、對榻相逢好、無
勞語絕梯、

和陳無枝

尺土無階地、磐桓起岱宗、風雷看試可、雲水序
功庸、自我頻焚草、知君多種松、應愁賣卜者、從
此問朋龍、

二

天民良好德、衰鳳且高歌、入夢蛟龍少、依山猿
鶴多、解衣扶九鼎、洗黛看雙峨、破卵迴車處、歸
然舊鳥窠、

人能忌我輩、世豈不清平、出火知文玉、涉川見
水精、天樞同野意、雲澹曲肱情、在處聞神聽、無
言媿友生、

三

保得腰無恙、況多柳數株、負薪金不顧、伐木酒
仍沽、書社三湘遠、雲亭四壁孤、敢因諸子在、終
引端門符、

四

逃名難採藥、祇敬自維素、道遠詩書在、天高
鳥忌、樵童通肇論、所養誦雲章、疏附弭誰力、翻
翩感雉梁、

和胡仁祖

卜築豈吾事、樂羣衆所安、嬰鳴從鳥和、新沐取
冠彈、絲竹青松外、煙霞碧嶂端、四方看靡騁、聊
此共開壇、

二

勿復談天覺、詩書各舊題、看山慚造次、倚杖失
追躋、剛述千秋徑、耘鋤細草蹊、除將日月裏、無
處問懸藜、

三

鳥路經雲過、桃枝送雨來、丹函辭草創、小帙入
林開、野樹飄秋麥、江流漲熟梅、因無浮海興、風
浴此能裁、

四

世道疎櫛狙、庭隅結遠廡、烏紗除曲謹、白恰便
清狂、雨過琴書潤、花開鐘磬光、步筇資臂力、時
一念寄蒼、

五

日出園林好、鷄啼風雨清、言當千里應、心與數峰明、敬信殊方合、靜廉世路平、羊裘魚艇裏、各不負平生、

六

玄德輕丹旂、禪心異鳥窠、門無稱閥法、天有選才科、寶樹因風長、道山入座多、請看代謝理、曾奈石頭何、

和商諧仲

燕雀千秋意、蓬蒿一日開、空青羣嶺合、絲竹小
山迴、海表龍難臥、巒頭鶴乍來、應戴數斛酒、遲
看歲寒梅、

二

翹館誰開路、吟壇共掩扉、東臯新好事、北郭蚤
忘機、攬德依衰鳳、占星報少微、藝蘭能幾畝、半
畝也光輝、

三

道味水同契、心花雨自開、蕭疎方外理、甘苦意
中劑、鳥語千山夢、松鱗百世才、因君談要眇、不
覺起徘徊、

四

水鏡各能照、明誠共此工、靜中觀物悟、定後與
天通、雲磬清淩夜、木犀香滿棗、諒無言語處、不
在冷江楓、

和商玄卿

久不聞鳴鳥、爲君說解牛、人皆看意匠、天不定
鴻溝、帆影知江樹、雲心覆石頭、明明霄漢路、鴻
燕此偕由、

二

不識猶龍面、猶知問禮年、況逢霖雨夜、正在
靈梅天、書帶輕含霧、墨花細入煙、相期風日好、歸
路滿江芊、

和胡元居

好古還吾黨、疏蘭繞碧虛、人師雙橘樹、天護數
行書、漁父頻開棹、蘇門未徙居、初隣應不少、高
枕復何如

又

庭前一水遠、木末數星高、古意明於月、浮名細
似毫、玄言觀柱影、炯戒在香膏、環佩相遺處、清
風滿夕臯、

和胡爾房

如鳳青山秀、開梅霖雨新、檀弓知物始、綿蕞起
陳因、松約催濤蚤、筠心待釣頻、諒知來遠意、各
不負孤隣、

又

鄒魯文章在、關濂人地偏、百川齊赴壑、二斗自
垂天、麟甕開書後、鵝湖爭論前、更無清妙事、可
以謝韋編、

又

微言良不絕、精義古無多、礪水丈人論、風流孺
子歌、相忘能助我、入碑未焚和、世道差池甚、鳴
鳩莫漫迴、

又

風雷通盼蠱、神鬼喻精誠、只此考槃意、翻成鳴
鳥聲、幽求知道妙、古處見人情、安樂行窩在、追
隨足泰平、

和張章垣

何敢標名榜、聊當結小窩、靜知環堵大、悟覺片
言多、拳石明孤掌、羅峰襯兩峨、卽看龍竹裏、時
共鳥賡歌、

二

明淡報天子、塵途屬老成、荷袁從叔度、樵牧洞
初平、顰鳳羣賢巧、雞碑撰述精、應知文少室、冠
冕在先庚、

曾未和書至復存焚草

退筆成遺屣、高人賞落花、就陰難減影、倒樹又
鳴鴟、偶爾生狂疾、何當掛齒牙、龍頭鋤麥叟、庠
背自橫槌、

二

纔羹勞炙手、寒薜亦驚心、滅頂未經過、寒裳誰
信深、青編後必夢、黃葉老兒吟、多少花供飯、偏
吞棘刺鍼、

三

再作當年語、今知老不能、前生矇瞽史、外道板
床僧、鬼愛淡松栢、人懷軟毳毳、此間看未透、顛
倒擔頭藤、

四

莫着鼻頭火、閒消肘後方、鼠肝無怛化、熊膽不
須嘗、吾道明朝掌、天星細夜光、因思前輩好、室
圖未玄黃、

五

損益隨人悟、劬勞念所生、拔除緣底事、割殺爲
時名、野曠山空淡、天高海不平、竹林青等等、何
處少涼城、

六

真箇爲貧仕、癡疑作道看、千峰孤掌出、十指一
絃彈、知我皆寒瘦、晉予卽好官、無多狼毒木、休
匹古琅玕、

七

火惟誠庸態、修能亦鄙人、鳬波親上下、雁隊老
君臣、德邵緣無學、愚生爲有身、臨河廻軫處、初
不睹嶙峋、

八

似此波濤路、何如餐寢時、墜杯人失色、焚屋真
難知、一寸鳥頭力、千筋白髮絲、相看行到爾、斷
臂有誰師、

九

工巧非吾願、迂愚信所導、掌中開島道、額底射
天門、勇盡慙、臨眼、時清誓不言、當年焚草草、悔
未細評論、

十

不藉文章力、但存道命初、千春誰記得、小興足
歸與、洗血碧池淺、投身雲樹疎、勿貪異日史、多
點數行書、

寄曹遠思司理

雲霓屬望久、綸羽幾時還、四野蒼生涕、孤城白日
關、狼心驕語撫、鴻澤痛多艱、何術能蘇世、容
容立小山

二

自我不能勝、空慙郊壘多、山川驚戰鬪、弟子耐
絃歌、火米入秋盡、葵園奈馬何、可憐避亂者、歷
折共雞窠、

三

胡馬聞初退、冠氛想未平、紆憂懸國賞、舐膽澹
書生、滄海高人路、長松逋客盟、浮沈狐兔侶、不
羨冶城名、

四

愛爾真清達、高堂況有親、一官如客寄、千里念
孤隣、世治當相報、言淡未免顰、除將盜賊盡、鐸
酒敘風春、

答友勸駕

晴天青欲染、着筆老還孩、暑假詞人致、聊梳山
院齋、放龜銷腹篆、歸鹿隱腰牌、何處舊相識、千
金買墜釵、

二

天意欲平晚、吾身親見誰、四方瞻靡騁、疋馬去
何之、賣卜西州市、投金東海濱、慇懃扶竹帚、賴
有石牀知、

答彥升臥子有僕并諸友

陽路生春草、春風殿小山、王師萬里檄、神武九重關、
野外蜚龍滿、澤中孤雁還、焚香看北斗、一夜鬢全斑、

二

十月到正月、長安音信稀、豈無魚鳥路、坐掩柴扉、
奮翅嗟衰晚、投鞭賦式微、健兒天所護、試與爾無衣、

三

生世逢明主、孤臣真不才、一官懸柳下、三咽
澗、嗟來、鬚髯侵龍血、詩書絳鬼胎、此身何處致
破峙老蒼苔、

四

豈有才方盡、而關命始通、星躔并老賤、展齒擅
穹窿、世少赤松子、天多白兔公、耘鋤方不暇、半
畝易爲雄、

又

逶迤難爲學、狼蹕安可爲、君恩除瘴嶺、馬骨
重車帷、吾鼎自尊足、鶯鳴漸解頤、持茲報日月
不負北山詩

又

勞生良未已、殘夢且廻環、以爾無波水、澆茲多
骨山、耘鋤千載倦、傭築乍時閑、孔墨悠悠處、石
門總不關、

又

休糧胡不可、力食古爲難、覆掌收鷄供、垂肌見
虎殘、何方蘇藥樹、無意事金丹、十架圖書在、真
同黃葉看、

又

朋緣除盡處、孤往意猶疑、道畔牽魚藻、雄風斷
釣絲、鷗夷生
晚、水鏡老仍疲、悔說當時事、玄
言憶桐師、

再答彥升臥子

臘日

餘生依宿莽、微力念穹蒼、風緊南鴻絕、霜高北
斗涼、呼庚綠賦重、棄甲爲兵荒、浩歎看新麥、秋
時不可嘗、

二

練要寡人事、繁多惱帝心、太行山子涕、小隱老
猿吟、戎籍析肱甚、地文杜德深、不知湯火裏、果
否問遺簪、

三

捐軀何所惜、於義未全安、改火逢龍禁、迴饑味
馬肝、白頭塞北夢、赤手市南丸、莫以斷船楫、而
當快馬看、

四

喜見小園面、猶慙行道身、絲牽穿薄島、藤罨墜
崖人、寶鼎饕餮樣、畫旂豺虎隣、誰從鋒鏑下、更
與理灰塵、

和陳宣子安石柰蒼生何六韻

石柰韻
轉青灰

飛鳴何處可、飲啄此歸磐、世泰吾將泰、天安我
亦安、被竿仍跪石、伐樹再生檀、五百垂絲鬢、論
才千古難、

二

歸歟思素業、弋者讓青冥、陋巷旂常穩、空山鍾
鼓靈、一心支世力、五緯護天經、猿鶴消愁處、風
涼月滿庭、

三

刀盤非細物、屐履見通才、六子能相厲、同人久
不猜、書無辭稷契、坐豈別靈回、絺繡公家外、衣
裳各自裁

四

若華餘夜色、螢火引書光、飛兔行千里、名賢集
一堂、太牢看緒語、小艸命扶桑、述作吾何敢、辛
勤答彼蒼

五

已倦津梁事、難收射御名、河身徐曲折、月魄淡
虛盈、水鏡隨人照、石田付象耕、應知來可畏、聲
折老餘生、

六

寤夢消年月、殘棋爛斧柯、文心看變海、道壽足
清河、杵臼三生徑、營巢太古窩、玄黃今靡定、天
亦奈人何、

癸未春率爾偶作并示諸同人

東郭先生久寂寞、牽蘿葺戶塞漏屋、圉牆一半
青珊瑚、破瓦穿籬墜修竹、當時弟子坐談經、自
畫肉翅生雲青、鳳凰山頭數飛舞、荔風楠雨開
醪醒、倏忽於今三十載、黃金鑄成付滄海、明珠
撒飯不復施、玄冠數毀籜冠在、廣成已老無嵒
峒、藐姑山化爲竈桑、三秀六英不可食、髯燕不
宜巢蒿梁、行人笑指龐公宅、將軍樹前呈襍諷

縱無鄉館棲千間、可少盧門敲圓席、先生強顏
無復慙絳字朱闥、吾不堪、少年只想襍皮屨、壁
韋安敢纏華簪、提筐拾樵採朱草、金谷蘭亭那
得保、平泉百載更三家、洛陽名園又何道、去年
擬買屈平潭、今年欲結遠公庵、頻年碌鹿無一
可、白髮垂耳空鬢鬢、諸君相期各千歲、五百中
身講進退、一半納足坐簞中、一半抽鋒出天外、
腰間差池三百年、始得貼坐稱團圓、柔絲謫賜

榕樹前、猶恐辨力難安眠、只今四海輟毫陳、安
用束車突陋巷、踽封蚤屢爭昂低、岡梧尚有鶯
鷯棲、衰毛宛宛垂桃谿、諸君負才各千尺、勿復
拔檀理雞柵、東華嶺上自畱松、孔明廟前自灑
栢、詩書今已出破壁、勿使精恠鏘金石、東郭依
然生虛白、

明誠堂詩目

五言律

甲申

元日賦明誠堂用陳宣子山川分動靜

雲漢合昭回爲韻

十章

長天
營生
板蕩
竹意
羲農
羣峰
日出
醉風
平觀
香塵

漳郡寇退寄侯劉遠予明府

二章

竹馬
名賢

明誠堂大會曹司李劉明府來證講

四章

斯道

園橋

美箭

零雨

陳獻可來自繡水適與明誠堂會

六章

移山
知爾

無爭

孤降

精與

馬鄭

寄陳雪灘年兄

四章

石頭

升沈

西歸

耐事

吳諤齋年憲見示賢郎庶常選牘因知

中原動定

六章

泰否
龍轡

長算

羣後

輕文

風林

再寄張恭錫太守

四章

帝宇 訛言 龍戰 江南
有七言古詩別梓

六月九日聞留都遺信

六章

春陵 問天 帝澤 形勢 求舊
春秋

九月廿一日偕蔣黃二閣老林素菴周

芮公二吏部遊清源南臺諸山

合六章

風塵 一勾 平柄 緣壁 千巒
萃賢

寄池直夫晃巖

四章

丘壑 柴桑 剡泉 優劣

諸友至三山分手獻可尊光共發芋源

十二章

欲隱 前業 江河 時命 溫涼

破蠹 作易 黏花 開簪 興時

賭墅 烹魚

舟中念蔣若柳閣老歸買靈鷲碧霄因

憶故山賦示麀子 四章

長天 岫雲 元白 憂樂

凡十三篇六十八章

目錄

終

明誠堂詩集

二卷
甲申

漳海

黃石齋著

榕壇門人

較

五言律

甲申元日集諸友分賦明誠堂用陳宣子

山川分動靜雲漢合昭回爲韻伏枕送

成十章

長天何所極故宅有青山與子不相放同羣復
往還茅茨開晚運藥裏振頽頽再作儒生好揮

鋤坐掩關

二

板蕩思匏葉、橫流念濟川、崔徐窮巷外、樂管古
人前、以此存三代、於今見百年、可能容夾壁、在
處有宮懸

三

義農雖已遠、精灝未全分、一室千峰入、微言天
下聞、絃歌林鳥意、風浴海鷗羣、不復詮經史、蛙

啼衆所若

四

日出開聲動、齋居知曉風、假年猶有過、於道未
爲雄、少藉安棲力、全收不鬪功、何能更四騁、釣
鯉弋高鴻

五

平觀滄海靜、臥鼓遠峰憎、燕破短簷壘、雞啼中
夜燈、起衰誰信得、扶墜我無能、戶屢看頻滿、淡

慙荷篠藤、

六

營生如已澹、觀世足浮雲、縱復長茅屋、何曾失
鹿羣、伐檀銷往責、樹蕙表奇勲、頗有華嚴意、淨
香時與焚、

七

竹意欲侵漢、梅風初破寒、雖無槃澗好、卻有巖
言寬、鴛鳥辭清奉、懸鵲監素餐、當年萱室裏、紙

帳與蒲團、

八

羣峰時自合、丹葉老隨暉、少味畱青簡、多心謝
白蟬、雷霆疎起草、天地落空函、名勿看人世、芒
屨盡艾簪、

九

醇風今未散、古道此爲昭、束筆除經論、扶欄理
藥苗、人存柱後影、道坐樹前瓢、不向魚龍約、雞

啼自上潮

十

香塵天外落、真烝斗中回、不信金門下、能如芳草
隄、親朋長見面、禮酒數追陪、卽此成家學、雲
青日月開

漳郡寇退寄候劉遠予明府

竹馬重迎日、青山動色時、遺黎看解佩、畫鼓報
寒帷、花吐十城氣、人當千乘師、絃徽春滿處、從

此罷登陴

二

名賢良不負、半壁倚長城、能使狂濤退、遂開溟
海清、驍封知驥子、盤錯見龍精、始信二康方、歲
於數萬兵

明誠堂大會曹遠思司李劉遠予兩府來
證講約

斯道歸鱗組、蒼生望羽儀、樂胥來燕喜、廉法爲

人師、狸首停觀射、鹿鳴別賦詩、窮鄉聞見少、芻
牧共追之、

二

欲證園橋約、如看象魏來、人心猶太古、狂簡亦
堪裁、鹿洞餘今日、龍華浣舊灰、千春時一遇、喜
得數趨陪、

三

美箭南山下、光風北斗前、穀中游不盡、象外語

仍捐長者皆身教、迂儒欲改懸、似將干羽意、遍
與十方傳、

四

零雨空嘉穀、害苗始可耘、與誰談治本、無策靖
氛氲、禮樂依鍾磬、弓刀避典墳、聖言如不謬、來
遠試修文、

陳獻可來自繡水適與明誠堂會偶成六
詩附便面尾長晤話也

移山消黨禁、避影爲朋來、遠客乍相叩、柴扉不敢開、望崖人已反、張樂鳥初迴、此意如衡雪、森然數落梅、

二

久矣無爭席、何當再歸壇、各絲穿藕斷、道膽入氷寒、大地初風簸、微才積葉看、爲誰閑去住、空谷爾盤桓、

三

祇隣從此信，恐亦有人疑。
鳳曉秋梧冷，蟬呵白露嫵。
割心難到骨，同面少推眉。
老去無多學，雲泉木石知。

四

君自爲精輿，林人安足游。
寒燈雞語合，伐木鳥聲求。
已錯幽谿路，而多明月投。
稻田春水畔，儻不繫漁舟。

五

馬鄭當年事、區區都養閒、曾樓無算手、半壁只
青山、浮磬此中出、筮舟何日還、相過如不厭、別
與共茅關、

六

知爾不能薦、爲無獻納權、僕心衝虎路、真氣下
鸞肩、鼓笈三千里、檐簷十二年、親朋半天下、不
乞杖頭錢、

寄陳雪灘年兄

石頭山寺飯、荻港王家船、與世同無責、看誰更
盛年、蒼生今不恨、白壁遠相憐、每見南來雁、掀
眉一喟然、

二

升沈皆偶爾、默處得從容、昔假爲當路、今安知
所終、烏巢知宿莽、蛇蛻繫高松、落落江流外、愁
人聽暮鐘、

三

西歸常不得、遠樹幾安棲、但覺綢繆拙、應知風
雨齊、乾坤青雀纜、芥米白銅鞮、小醉須淡臥、莫
聞中夜雞

四

耐事真朝貴、閑愁信野翁、便身遮小艇、佳氣漏
秋桐、述作仍無賴、餐眠稍不同、何能更雄健、料
爾念蒼穹

吳諤齋年憲見示賢郎庶常選牘因知中

原動定

時

議者

已破秦晉

可

歎也

秦否關天運、從違豈道謀、如何墜岸劍、猶作刺
舟求、柿歸後、豫秦縱賊秋、可憐徙突論、空
與國爲仇、

二

內治資長算、廟謨貴及時、龍今看戰血、烏未別
雄雌、加卵層碁上、將車隘水濱、陸峒多聖聖、蟻

馬不堪師

三

輦後人才晚、當先天步難、黃金疑巧注、白璧惜
輕彈、世豈無名將、家徒愛好官、怒頤身老醜、念
亂日九瀾

四

好武亦從來、輕文遂到今、天荒白虎觀、雷碎澤
陽琴、賴爾才能續、愁予老不禁、東園臥病者、梁

甫動悲吟

五

風林無靜樹、亂鳥失安棲、舊事不堪憶、雄交未
敢題、眼光龜采借、時譜劒花迷、掩淚聽明詔、高
賢誰侶泥

六

莫頓飛龍轡、溪慙化鶴臣、澶淵驚翠蓋、漢室澹
黃巾、四海諸侯遠、六鄉天子親、根底看不動、神

武勒高旻

再寄張恭錫太守

帝宇方傾蕩、潰隄不易防、彫民多害馬、順道少
鞭羊、閉院存王澤、開門振國綱、十城當百面、吾
道爾金湯、

二

爲政馮必力、謙言令孔參、夢應看覺定、人亦奈
天何、歲德餘牛車、軍容亂斧柯、趙張當日事、雋

於魯陽戈、

三

龍戰天方蹶、鶚音世所懷、上林無曠騎、下邑動
腰牌、直北風雷異、騰山猿鶴垂、九江能不亂、安
枕問高齋、

四

世道猶堪挽、江南未動時、桓文連帥業、申甫烝
民詩、久治能人少、無交明主疑、每談舊涕淚、梅

雨細揮絲

六月九日聞留都遺信

春陵新奮蹟、幕府此諮賢、寧少一函詔、以爲天下先、刁劉明禮樂、管葛罷餐眠、每憶南陽事、棲遲惜暮年、

二

於我亦何有、問天何所親、英才無李郭、舊學剩蘇甄、六等清朝列、二司滯要津、規模須早建、流

涕仰紫旻、

三

勿歎人才盡、應知帝澤長、雞鳴諸將嶺、龍起紫雲鄉、物力完江左、辰居慰尚方、奔馳從露次、此意未輕狂、

四

形勢資淮鄧、經營各上游、還元神烈意、定鼎伯溫謀、王氣餘牛首、濤聲靖石頭、此間宜用衆、但

莫漏吞舟

五

求舊崇今日、鋤傷惜往時、二南消煞運、五百泮
冒期、有道麟歸泰、居方帝出師、十年談此事、慨
未有人知

六

從此春秋始、仍爲周室東、人存大變化、天闢小
洪濛、元舅憐中甫、孫謀憶鎬豐、不知用我意、可

與尼山通、

出山詩 附

九月廿一日偕蔣黃二閣老林素菴周蔣
公二吏部及鄴山諸友同游清源南臺
靈鷲諸山卽用清源南臺爲韻識別

風塵不可避、陶瀉得輕清、小證年來約、看山分
外明、人煙半掌葉、魚鬣萬家城、已識蛻蟬意、商
於鍾鼎情、

二

選勝千峰上、談心一勺源、神明穿半榻、天地澹
孤尊、吾道未爲賤、此行毋乃煩、悠然憶屐齒、多
折在衡門、

三

斗柄昔誰指、大江今復南、未離羣物類、聊盍小
山簪、象力奔雲壑、蝦鬚結艸菴、中原新舊事、端
莫恠空函、

四

緣壁半藤路、焚書百尺臺、偶逢逋客至、可有愁
猿來、旅夢憑孤往、巖花開自開、江東行不遠、珍
重且分杯、

峴巖西偕樂亭爲此山雄攬因用偕亭韻
此處信云好、千巒日夕佳、山根環鳥爪、日脚宿
雲幃、龍得巢松意、宜將鶴子偕、能餘數斛米、與
爾共高齋、

二

萬戶誠安枕、羣賢樂此亭、梅煙分水白、竹嶼讓
天青、講德人無礙、尋幽衆不扃、莫將明月意、偏
語少微星、

寄池直夫晃巖

置爾宜丘壑、誰當廊廟人、睂鬚金馬氣、咳唾白
檀身、有道仍難仕、爲官想速貧、偶然分出處、不
敢敘初隣、

二

卽此柴桑里、殊多台宕姿、焚車公不顧、廻駕勒
休移、調鶴題禽尚、褰裳塞鬼疑、蕭疎真太古、况
有古人詩、尚作慶

三

於昔誰相比、將毋司馬微、剗泉分水鏡、割釀濫
天機、有韻黃鸝好、無監青蟹肥、因思分縞帶、未
報與蘿衣、

四

優劣今應定、多君此出山、高碁閒不着、小鳥數
輕還、穩臥人難老、沈吟髻亦斑、所慙新鑿洞、苟
且下雲關、

諸友至三山分手獻可尊光共發芋源
欲隱便須隱、曰歸安當歸、出山能幾日、採葛祖
多違、短檝驚猿鳥、輕霜脆蕨薇、何人更白首、雙
膝坐漁磯、

二

似未了前業、亦云理舊身、溫陶殘客作、樂萬老
家人、入世無淡趣、將車多遠塵、閒將芻狗意、細
祝與蒲輪

三

注厝何須問、熒熒經史間、江河蛄子國、創述研
頭山、日短行當倍、道窮勢自還、魯連諸少作、合
寄與誰刪

四

時命如開押、防人說縱橫、孤帆風一線、客夢夜
千更、蟻海隨投芥、石田空復耕、啼雞應有數、艸
艸莫爭鳴、

五

酌此溫涼酒、幸無豪傑心、乾坤雙眼濶、江漢一
杯深、不藉禹王步、能教虎力禁、千春平等夢、覆
被偶追尋、

六

破繭思奇中、投弓信偶然、難將雙蠅雨、遂冷龍
蛇煙、跼脚崩崖下、開眸雷斧前、自憐三尺棹、欲
挂伊閭巔、

七

作易愁中古、新書起地皇、龜圖安卽序、鳳鳥避
開荒、天覺人猶夢、日寒夜自長、鍾陵風雨處、已
作虹霓光、

八

祖述真年少、山濤安足賢、黏花青島粉、墜葉碧
梧煙、天道藏弓穩、人才碎璧慳、忽然思警句、獸
檻共魚懸、

九

聞響猶懸木、騰虛不及風、華胥天去遠、造次物
同工、涉險舟車力、倚山虎豹雄、焚香開體貼、可
在性靈中、

十

亦作興時看、其如舊事何、鴻溝玉斧柄、其誓爛
碁柯、海噴島王水、天收弱水黿、誰將徑寸州、叱
爲魯陽戈、

十一

自此難安臥、更無賭墅時、事煩知食少、才鈍答
書遲、小卷焦桐盡、長篇鐵篴詞、但應存枕裏、偶
一展開頤、

十二

諒不長分手、何爲興此懷、烹魚浮磬裏、嫁鶴石
帆涯、絕壁更開逕、洞門再結齋、飛鳧來往迅、儻
不託齊諧、

舟中念蔣若柳閣老歸買靈鷲碧霄締撐
未就略爲定中相度陟降去數百里寒
帆發恍猶或見之想念故山安可再忘
因復賦示麋子

尚有山堪買、居然石可呼、長天垂片瓦、大
全圖、入碎煙霞隊、避清瀛海隅、上流人洗耳、曾
告赤松無、

二

岫雲宜善卷、荔薜自披衣、破壁甘龍臥、休糧見
鶴肥、起應中興詔、真嫌長樂非、何年齊結足、
掃石澹忘歸、

三

奚忍談元白、於今失管蕭、鑄金畱客少、刻木借
才遙、石起天題柱、梁成海退潮、經綸真不淺、僕
子字文饒、

四

憂樂聊因世、飛潛共此身、華磚日影亂、竹院鳥
啼新、霜落蓬池淺、鍾鳴春夢勻、可憐搏火者、卽
是住山人、

浩然堂詩目錄

五言律 癸未

答黃閣庵方伯 四章

江州 禮樂 雲臥 當世

寄吳源長道尊 四章

弓刀 明膽 掩鏡 勞苦

答夏韓雲太守 四章

海國 耘鋤 蓂莢 浚趣

浩然堂詩目錄

再得吳源長書知泉南寇靖 四章

不戰 盡閑 鷹鳩 憂才

壽沈巢雲太守 二章

救世 賢守

答蔣晚仙大令 二章

絃歌 舉世

再答趙景之太史 八章

奕勢 公家 陰晴 長材 知人
杓意 古道 方召

答晉江明府 二章

落景 明賜

陳公遜大令至山中勸駕有謝 六章

彼姝 趨時 賢宰 爲政 魏昔 應應

寄答姚二存 二章

涉世 白日

答浦城令劉仁甫兼壽乃親 五章

戡定 饑戎 讀書 波濤 枹鼓

陸魯詹書至有答 五章

國賦 父老 文學 水藥 四海

葉霞浦以卓異召補給假增墓有寄 四章

雞鳴 世路 疇昔 逢時

壽張鵬海太夫人 四章

梓里 介福 斑衣 闥樂

劉魚仲使至攜家有寄 十三章

無家 補官 雞黍 荒頓 負戴
江南 撲簌 經心 水鑑 作客

俗耳 將歸

答王自位 四章

年少 歐韓 愛爾 開械

答查于皇用于皇韻 四章

魚龍 天夢 幽居 陸沈

又 四章

溫人 云聖 難免 捷報

寄趙景毅御史 舊作附
二章

天寶 高遜

凡十八篇八十二章

浩然堂詩集 癸未

漳海 黃石齋著 榕壇門人 較

五言律

答黃閭菴方伯

昔昔江州路，蒼黃行李心。
河山未改色，風鶴已殊音。
表虜非關餌，懷鵲不用樞。
可憐榛蕪裏，空念古遺簪。

二

澤州先生詩集 卷五
禮樂銷王會、干城阻鬼豨、宵衣浚歲月、伏枕負
煙霞、饑溺蒼生在、疎慵白髮加、不知霜與露、何
處護蒹葭、

三

雲臥豈能穩、舟流何所歸、念蒼無膂力、嗟稻少
光輝、野竹新拋杖、田荷舊製衣、尚容雙白石、堅
閉兩柴扉、

四

當世非無俊、所生安敢忘、淮淝空一水、將相與
誰同、老寄山中飯、病迷海外方、盡圖看不到、濯
足引滄浪、

寄吳源長道尊

弓刀知稍暇、千櫓問書生、斯道果將泰、於心何
不平、溪風迴火樹、梅雨漏水城、欹枕畱松夢、蕭
然謝北征、

明膽存當世、時危安敢云、人收橫草力、天勒種
松勲、避寇畱親黨、負薪授鹿羣、間多招隱意、不
與鰓蛄聞、

三

掩鏡酬初服、捷扉賞暮關、懸崖無鳥度、拆坂有
人還、虎兇矜逃雨、鷗鳬祝買山、應和鈴閣裏、青
鬢已微斑、

四

勞苦獨賢者、幽憂願遊人、青雲伊呂命、白水巢
繇隣、世亂疑英傑、年深負釣綸、幸聞霖雨手、願
已淨胡塵、

答夏韓雲太守

海國方波靡、油雲未遍陰、遙知解犢手、浚慰百
城心、馬力看垂轡、桑林聽改音、丁寧傷綴鳥、中
夜莫哀吟、

二

亦有耜鋤志、其如衰病何、長城依遂牧、落日繫
陽戈、曠野天將厭、時清物自和、幽人無所覺、鹿
豕溷山阿、

三

苗意尊莨莠、花盟讓雨風、頻年奕勢舉、四海羽
書同、冠退主人傲、煙波樵子雄、勝師二十萬、幸
報圯橋翁、

四

入世多溪趣、藏山亦冷然、烏頭畱道力、赤仄讓
時權、倦客欲伸足、饑人自噉拳、可憐避亂者、難
給酒家錢、

再得吳源長書知泉南寇靖

不戰歸仁者、英風及比隣、豈資貔虎力、坐賸棄
麻春、清麗山川在、纏綿人物淳、果然千里驥、足
下少飛塵、

二

畫閣無安席、單車過野巢、山開白鹿路、猿接絳
雲旂、權量存中澤、書聲出短茅、合題寬猛論、寄
與忠文庖、

三

不逞鷹鳩志、應知鳳鳥威、元戎事業澹、長子道
心微、胡馬新歸塞、捷書近渡泥、維秦連咫尺、何
以賦無衣、

四

世自憂才少、未愁天步艱、山溪猶破浪、海大此
安瀾、機息毒龍就、精通石虎攢、勿教韋跽者、自
目傲儒冠、

壽沈巢雲太守

救世思良牧、吾鄉有使君、惠風千里至、善政百
城聞、飲客江中水、將人天上雲、隴頭桑麥本、一
一負清芬、

二

天下真賢守、剛清見古人、偶然虎自渡、宛爾鹿
爲隣、解佩琴書樂、焚香魚鳥親、紫陽遺教後、風
土欲還淳、

答蔣晚仙大令

絃歌非細故、文藻亦雄風、以爾爲令尹、誰當擅
國工、花微逢島外、鼓吹真靈中、樂事分吾黨、新
詩青鳥通、

舉世宗虞集、餘輝過幔亭、液池風信惡、山縣酒
泉青、方土收儒學、波瀾補水經、暇中多述撰、儻
寄與南翎、

再答趙景之太史兼懷劉晉卿

奕勢看多變、絃徽不可尋、倚門空說劍、匡坐倦
彈琴、於世無爭路、觀生何媿心、星辰照白水、松
影共蕭森、

二

不壞公家事、何愁天夢長、平陵隨道命、臥起悟
滄桑、蝸壁開明眼、鷗沙展日光、應知良傀儡、意
亦苦當場、

三

陰晴猶未定、熙晦與誰隣、幸有丘園素、能消物
態新、天多敘捷寶、世少飽颺人、空使奔林者、驚
騰笑老臣、

四

長材吾所畏、七尺已支穹、故事無多遠、人心何
不同、干戈天下半、破碎十年中、閉戶長思過、重
玄幾日通、

五

知人良不易、觀世莫須明、江漢風流盡、幽青荆
棘生、無方迴日鏡、有道寢冰城、雖大蒼茫外、悠
然想太平、

六

杓意分南北、青天變燠寒、鹽梅難得手、闕構只
爲官、拋掌崩崖外、投身碧嶂端、伊人綸釣遠、各
向水中看、

七

古道殊標野、斯民誤往來、分將負戴業、散得匏
瓜材、元凱防隣比、乾坤託酒杯、貪生不採藥、免
與鶴猿猜、

八

方召今無輩、穆清總廢詩、難將寸管力、空與六
龍持、幽徑白頭鳥、空山明月芝、不知劉太乙、藜
火向誰期、

答晉江明府

落景寡舒節、安琴多惠風、梅先使者發、意與古
人同、島嶼扶孤鳥、雲霓慰短蓬、不愁千里雪、飛
歷歟寒蓀、

不敢辭明賜、恐煩鱗羽頰、湛波分歲熟、線路得
情親、買菜歸愚谷、看松長道隣、空山如隱臥、扶
枕謝來春、

陳公遜大令至山中勸駕有謝

彼姝無以告、明府何爲來、水石疑巢鳥、柴桑長
破苔、家人張舊牒、隣叟進新醅、夜夢丘園裏、山
花亦遶臺、

斯世須賢宰、空山賸老翁、經年書劄裏、千里琴
聲中、古處看大雅、淵心奏國風、戴星如不暇、何
以過江東、

三

不悉君爲政、但看盜賊清、桑枝遵化雨、衣帶足
干城、出棟山雲細、投鉞江水平、莫云今卓魯、未
易享醇名、

四

媿昔不爲令、殊慙庭草青、一官銷筆橐、廿載負
生靈、秋意有蟬悟、靜音與鶴聽、翻當爲弟子、更
註理民經、

五

蹙蹙行何往、依稀保此丘、餘生一明主、賜善病
赤松求、斟米支經月、容身濟小舟、不知天下事
果否屬幽憂、

六

趨時今已晚、用世許誰曾、道豈一人駕、生無長
夜燈、稷卨新急事、燕雀老高朋、白髮懷明鏡、蹉
然慰短藤、

寄答姚二存

涉世吾愁老、憂時君太淡、升沉看道命、動止繫
天心、花片牽珠箔、檀煙過桂林、無多香豔意、不
向雪中尋、

二

白日初開鏡、高山莫惹雲、澹寧酬我輩、勞苦事
明君、有道龍蛇蟄、忘機鷗鷺羣、看人精彩處、閒
取墨花焚、

答浦城令劉仁甫兼壽乃親

戡定存高識、廉能屬細心、寇因終撫誤、官爲好
名侵、有道生方畧、相知寄德音、何時停柘浦、解
棹與微吟、

饑戎寬嶺表、花雨足山城、保此文無害、居然古
太平、鷹鳩吹籟好、牛犢飲泉清、男子多權變、傳
杯慰所生、

三

真解讀書者、殊多致治方、投戈看駭散、借箸得
商量、家藏神明譜、人焚智慧香、高堂多樂事、官
鮮寄何妨、

四

波濤平岬谷、風雨失綢繆、假有百城宰、真紆
明主憂、餘鴻安沛澤、小老合滄洲、狐兔看人面、
慙勤告首丘、

五

抱鼓今無事、薰風散蚤闌、絃歌新世講、名教舊
通家、雷煥腰間劍、江郎筆上花、板輿難犬路、真
不遠仙霞、

陸魯瞻書至有答

國賦餘南服、人才屬爾絲、循良今朽用、寧澹往
奚疑攬轡看湖水、焚香燎古祠、依然環竹馬、畧
改舊旌旗、

二

父老能相信、廟廊真愛才、一官頻請命、萬井競
銜杯、猛獸渡河去、慈風滅火來、每聞君政績、宛
與古人陪、

三

救世需文學、匡時剩素心、人今師畏壘、天不絕
井霖、藥海平無際、珠瀾清且淡、應知講德論、化
爲百絃琴、

四

氷蘖分餘瀝、能無創所懷、神明驚血譜、僕馬事
心齋、直道看猶在、彌謨爾自諧、不須緘文字、更
寄與乖崖、

五

四海今方沸、菰城却晏然、勝師當騎萬、郊乘比
珠千、龔遂生非老、君公正少年、新碑題欲滿、吾
喜得高賢、

葉霞浦以卓異召補給假省墓寄懷兼
示諸友

鷄鳴恒憶女、風雨寄綢繆、此道窮方見、投桃報
已酬、匡時紆諫草、緩轡得長籌、爲我遲年月、何
期慰主憂、

二

世路滌洄處、君恩耐嚼時、高才應典劇、有道捨
便安、日出塵霾散、夜闌龜鶴知、何嘗停側席、莫
寫北山詩、

三

疇昔相從者、更誰銓璫來、海因河水淡、道使貴
人猜、斗柄移寒暑、風根變竹梅、賴君心眼濶、少
憇天門開、

四

逢時不造次、安步得從容、以汝源流意、豈人
月中、蒼生應有命、高爵自爲雄、平治須來日、泥
吟嘆老翁、

壽張鵬海太夫人

梓里山川秀、通家雲樹齊、傳杯護徑裏、扶杖
房西、刀夢看祥佩、花微簡舊題、應畱循吏譜、奕
世與金泥、

二

介福尊王母、高門展鹿車、受經依縹筆、却鮓護
銀魚、烽火龍眠後、耘鋤渤海初、居然無一事、可
以惱板輿、

三

躑躅斑衣近、尋常朱紱來、全城呼子姓、五馬傍
樓臺、菊浸丹砂穴、珠還明月胎、肯從紫陌裏、呵
殿看燈迴、

四

園樂真想外、歡繞信非夷、九鼎未爲貴、他人安
得知、桃花黃地綬、若木絳燈枝、應使青衫者、同
歌魯頌詩

劉魚仲使至攜家有寄

憶爾無家久、翻愁家累多、移家頗不佳、家計復
如何、戎馬滄洲夢、漏船白地波、寄書能幾到、未
有定關河

二

不得補官去、爲誰嫁娶來、柴扉賒故里、荔薜費
新裁、世道圓風業、鄉心濕雨灰、因無分宅法、空
寄隴頭梅、

三

雞黍能相戀、問關安敢同、除將小草力、消却半
帆風、親寡慙吾老、豐多負乃公、新勑半畝外、難
與共秋菘、

四

荒顛未裹事、難將託友朋、青山看客面、白恰墜
雞盟、有道辭彈結、無田廢耦耕、木奴三五本、莫
恠太營生、

五

貧戴今奚往、于戈天下繁、流萍看土偶、芳草念
王孫、入世成嘉遯、將雛訪鹿門、無多通隱意、半
與嚴平論、

六

江南猶可住、曲磧也穿潮、洗艇安茶竈、晞衣過
竹橋、烏程山客酒、明月美人簫、不憶維桑外、荒
田百草驕、

七

樸敫看人世、鬢鬢老盛年、天容閒客過、道息火
雲煎、庖子烹枯石、家僮撐鐵船、可憐湖海氣、各
已入芋眠、

八

嚙肯經心語、於今已七分、春秋吳越氣、熙晦斗
牛文、抱膝容孤臥、離家各破羣、華陽淡處處、芝
朮老堪耘、

九

水鑑倦高論、標題久已稀、埃塵收馬骨、狐兔坐
人衣、厭亂妻兒切、修貧朋友非、何堪談鼎足、沙
磧溷魚磯、

十

作客耽江表、全身愛首丘、所思非一轍、此道遠
難謀、填海疑通路、移山未度舟、秦淮佳麗處、不
耐老登樓、

十一

俗耳多榮尚、吾徒祇樸心、雲邊雞犬路、天外鶴
猿岑、不假鄭莊驛、能辭季子金、畫圖看卷裏、龐
葛共蕭森、

十二

如此將歸好、江干吾有家、一船供寶眷、半榻上
煙霞、遣女迎新婦、呼兒接舅爺、山中分鳥掌、白
鹿爲樵車、

答王自位

年少才高者、若真壓古人、勝衣纔幾日、著論等
於身、已破七朝格、能輝千里隣、趨庭安得此、使
我嘆陳荀、

二

歐韓良不易、曾李亦殊難、世自有鍼芥、君如得
羽翰、韶華生快事、才藝老仍刊、悔却鬪雞日、逢
塲戲舞干、

三

愛爾賢公子、如同幽谷香、頻年山裏住、久與世
相忘、剖符分壺隱、寒花釀蜜房、卽無稱孔李、敢
不倒衣裳、

四

開械尋妙作、徃徃得幽鮮、硃世如深宦、程才似
宿年、江山應有助、坐臥已通玄、勿復談名問、高
人不受憐

答查于皇用于皇韻

魚龍衝鐵岸、風雨各酸辛、縱作今遺直、何如古
逸民、詩書生已誤、耕鑿老來真、冠蓋盈天下、空
嗟我獨臣

二

天夢如將覺、泉石未到狂、不揮窹鳥涕、聊與螻
蟲藏、獵火來何定、麟心老自祥、乾坤無畔岸、爲
爾共望洋、

三

幽居無所恃、所恃但蒼天、野鶴猶逢箭、高人空
受憐、黃虞生世遠、漢魏老家前、知已能相慰、宵
啼足百年、

四

陸沈能幾日、雄貴有誰存、不惜市朝耻、平銷烏
兔冤、匡時人最賤、仇國古難論、跣足涼窓下、空
知北斗尊、

又

溫人徒集木、話舊已含辛、放逐思明主、顛連
感細民、支天看不驗、移孝語難真、以此聞高論、
愀然媿子臣、

二

老夢皆云聖、孤生合自狂、賒將一字、處遲却廿
年、藏喪馬看多福、墜肱准吉祥、頽鱗投海外、何
處不悠洋、

三

難免適今世、無逃亦此天、招魂當鳥度、賣骨與
人憐、玉破三炊後、車懸九折前、勿言辛管事、洪
湏各當年、

四

擬報家家喜、空城處處存、滄流行見底、孤鳥不
鳴冤、權術乖時尚、沈冥息衆論、何妨從老子、蕭
散自當尊、

寄趙景毅御史

舊作

天竇容穿過、人才惟退尊、干將終一缺、匏苦未
須論、大老腰舟在、枯蟬瓢笠存、惘然如隔世、蝶
葉話風飈、

二

非我樂高遯、居然媿古思、舌存仍不佞、肱折與
誰醫、擇木無弓匠、呼禽失獵師、相將萬里外、破
雪寄秋絺、